

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





佛說最勝妙吉祥根本智最上祕密一切
名義三摩地分

宋西天三藏朝奉大夫試鴻臚卿傳法大師施護奉

詔譯

佛說最勝妙吉祥根本智最上祕密一切名義三摩地分



清刻龍藏佛說法變相圖

佛說最勝妙吉祥根本智最上祕密一切名
義三摩地分卷上 上下同卷 彙三

宋西天三藏聖者大天試鴻臚卿傳法師施護奉 詔譯

爾時大吉祥 最勝金剛手 具一切功德

能調難調者 三界中最勝 最尊大無畏

諸祕密部中 自在為主宰 正智蓮華目

眉相復如蓮 於佛世尊前 戲擲金剛杵

復於須臾間 出現無邊數 金剛杵圍遶

當戲擲杵時 即有俱胝眾 金剛光照曜

面現顰眉相 勇猛大無畏 威德復殊勝

調伏於一切 具悲智方便 自利利世間

身心大歡喜 得最上妙樂 復現忿怒相

佛世尊所作 一切皆攝受 普獲於利樂

是時金剛手 頂禮正覺尊 釋迦牟尼佛

合掌而白言 一切眾生理 愚沒生死泥

起煩惱疑惑	無由能解脫	願哀愍利樂
我及諸衆生	令如理所得	了知幻化網
佛爲世間師	願宣說正法	利樂諸衆生
令得無上果	諸佛大三昧	最上真實智
能了別衆生	諸根欲性等	世尊正智衆
現烏瑟膩沙	妙德真實智	最上自然智
了達甚深義	一切廣大義	無等寂靜義
最上最勝義	瑜伽大教中	諸祕密名義
聖三摩地分	初中後皆善	過去佛已說
未來佛當說	現在今世尊	三世盡宣說
今此幻化網	我從是出生	喜執大金剛
善持一切明	如我所得法	愛樂而受持
最勝堅固意	住佛祕密心	如衆生意樂
願說最勝法	滅煩惱無餘	令得最勝智
如是祕密主	金剛手菩薩	作合掌恭敬

勸請而前往	爾時二足尊	釋迦牟尼佛
從舌及面門	出廣大光明	普照於十方
清淨諸惡趣	三界光所照	四魔悉調伏
復出美梵音	徧聞於三界	稱讚祕密主
大力智金剛	時佛作是言	善哉執金剛
吉祥最勝者	勇猛金剛手	汝大悲方便
廣爲利世間	是故勸請我	說祕密法門
此祕密名義	妙德根本智	最勝大吉祥
能伏諸魔等	我今當善說	汝大祕密主
住最上一心	諦聽佛所說	時釋迦牟尼
即說如是法	盡諸真言部	持明大呪部
觀照三密部	世間最上部	世出世間部
最上大印部	烏瑟膩沙部	如是等諸部
總攝一切法	是祕密名義	六種大明王
無二說其二	是無生法句	從彼而出生

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



所謂

阿阿引壹翳嗚汚伊愛烏奧暗惡

此法安住諸智心 三世諸佛所共說

復次大明曰

唵引縛日囉合二低引刹拏合二耨珂砌引那二

鉢囉合二倪也引二合引倪也引二合引那謨引哩多合二

曳引倪也引二合引那迦引野縛引詣引說囉三

阿囉跋左那引野帝引那莫

阿字為正智 諸佛從是生 復為諸勝相

是最上字義 大生無生義 離飲食語言

捨最上愛樂三 諸語業清淨 最上增勝貪

諸衆生染行 最上增勝瞋 諸煩惱大怨

最上增勝癡 愚迷為智障 最上增勝忿

大忿怒大怨 最上增勝染 為諸染所纏

如是貪瞋等 皆最上增勝 祕密妙法門

通達能遠離 執大智慧劍 破諸煩惱頂

現大色大身 大相及大力 大名大威德

大廣博圓滿 大欲大自在 大喜及大樂

大愛大名稱 大光大明照 具一切廣大

出生大智慧 了知大幻化 成就大幻義

得大幻妙樂 識根本幻網 大財大施主

淨戒最上持 大忍辱大智 發起大精進

大禪定等持 大慧堅固聚 大方便大願

大力大智海 大慈平等法 大悲心增上

大慧悉通達 大方便廣作 大神通變化

大行大速疾 大神通自在 大力大勇猛

善度諸有苦 大金剛執持 大惡極忿怒

作大怖皆畏 大明破諸暗 大呪最上尊

大乘教濟度 大乘最上教 法身大徧照

大寂大牟尼 大明呪希有 大明呪自在

得十波羅蜜	依十波羅蜜	淨十波羅蜜
十波羅蜜教	十地自在尊	十地善安住
十智清淨我	十智淨堅固	十相十種義
十力寂諸根	最勝真常義	十相最寂靜
遠離諸戲論	我及真如淨	如語真實語
如理行無異	無二說二語	皆住真實際
無我師子吼	怖彼諸執相	一切處解脫
如來速疾意	降伏諸勝怨	如轉輪大力
衆法中最上	主宰及敬愛	大威德大智
諸教無能勝	諸語中自在	無邊正語業
真實語及義	宣說四聖諦	隨順聲聞衆
不退阿那含	及彼阿羅漢	漏盡諸必芻
尊上復利根	勇猛諸緣覺	雖種種出生
回一真實相	皆以智慧劍	斷煩惱無餘
得安樂無畏	善住真實際	得明行具足

善逝世間解	無我相可生	安住二諦法
出度輪迴際	所作皆已辦	純一智所生
慧力大猛利	正法光明聚	照世出世間
法王法自在	宣說最勝道	分別成就義
離諸分別相	彼分別界盡	顯最上法界
福語福所生	大智智所作	常起正智想
二法從是生	畢竟離衆相	相應定自在
不動大主宰	五身勝根本	五身正智主
五智大自在	五佛冠妙嚴	五眼淨無著
諸佛最勝尊	出生諸佛子	慧最上出生
正法中所作	金剛一實理	世主最上生
虛空自然智	大智大慧眼	大光明徧照
大智光大日	智光照世燈	大光明熾盛
最上呪明王	大呪王所作	大頂真實頂
自在現衆相	諸佛無我性	普照無邊界

第一一〇册 佛說最勝妙吉祥根本智嚴
 上秘密一切名義三摩地分
 一四一四〇一

三七 龍藏

於中現衆色	供養大仙尊	持三部明呪
大三昧呪法	持最勝三寶	說最上三乘
最勝不空索	金剛索大攝	金剛鉤大索
大金剛能怖	金剛阿闍佛	即大圓鏡智
從是智所生	一切方便門	現大忿怒相
其相有六面	六眼及六臂	圓滿復大力
利牙而外出	大惡極可怖	復現大笑相
百眼所莊嚴	現焰鬚得迦	怖畏金剛相
最上心金剛	廣大幻金剛	最勝金剛部
無喻金剛場	不動一髻尊	象皮為嚴飾
訶訶聲大惡	呬呬聲大怖	阿吒聲大笑
金剛喜大聲	金剛士大士	金剛王大樂
金剛相大喜	吽字金剛智	持金剛智箭
執金剛利劔	現金剛巧業	金剛破他軍
金剛火惡視	金剛熾盛頂	金剛大入寤

百眼金剛照	金剛諸嚕摩	一嚕摩所攝
俱胝那珂數	住金剛娑囉	聖金剛持鬚
金剛寶莊嚴	訶訶吒大聲	百字金剛聲
妙音聲大吼	普震於三界	虛空界無邊
音聲亦無礙	真如無我相	實際無罣礙
空性離語言	說廣大甚深	出大法螺聲
擊大法捷椎	佛威力無勝	十方鳴法鼓
無色中現色	種種色殊妙	衆色吉祥光
現無餘影像	最勝大自在	三界大主宰
顯示諸聖道	建廣大法幢	於彼三界中
出現童子身	或現耆年相	尊長大世主
佛三十二相	圓滿而具足	普徧三界中
瞻仰生歡喜	世間智功德	世間行無畏
三界中最上	為主為依怙	虛空藏出生
一切智智海	無明藏所集	三有諸結縛

卷三

六

減煩惱無餘	出度輪迴岸	戴智冠灌頂
正等覺莊嚴	三苦等滅除	三世得解脫
遠離一切障	等虛空清淨	過去煩惱垢
三世悉同然	諸衆生天龍	現功德山頂
一切得解脫	如妙寶蓮華	彼大如意寶
衆寶中最上	堅牢大劫樹	最上大賢瓶
利一切衆生	皆方便所作	淨智淨分智
三昧智最上	了別衆生根	具三種解脫
功德智法智	廣大利吉祥	吉中大吉祥
獲名稱廣愛	具聖財大富	大喜復大樂
善義而善作	喜稱大吉祥	最勝大誓願
作最上救護	諸有大怖畏	悉令滅無餘
如頂功德頂	最勝寂默頂	五眼五髻尊
五啣囉頂髻	諸有大苦行	執自見解脫
以自所修行	謂最上梵行	自謂得大仙

已得究竟法	謂沐身外道	一切見等執
從梵天所生	滅亦生梵天	得離繫解脫
無礙寂靜法	證寂靜涅槃	得最上圓寂
了苦樂邊際	貪等法滅盡	無勝無比喻
無相亦無著	謂所得涅槃	出過一切道
如是等邪執	皆不正解脫	彼不能了知
無漏種微細	清淨離塵染	遠離諸過失
唯正智所覺	一切智通達	彼一切識法
無二智可觀	離疑惑分別	三世佛同體
無初亦無後	一智眼所觀	如來智頂生
同體而無垢	語自在大語	勝語最上語
無勝師子吼	無上無比等	普現身大喜
或現火鬘相	或吉祥妙光	大光明熾盛
一切勝自在	離染法最上	如無勝妙藥
治諸煩惱怨	三界大吉祥	衆星曼拏羅

建立大法幢	表刹十方界	一廣大寶蓋
徧覆於世間	慈悲二種法	作大曼拏羅
大吉祥蓮華	自在為嚴飾	最上寶蓋等
周而莊嚴	諸佛大主宰	諸佛心自性
諸佛大相應	諸佛同一教	金剛寶灌頂
眾寶自在主	諸觀自在王	諸執金剛尊
諸佛廣大心	諸佛最上意	諸佛廣博身
諸佛真實語	金剛日大明	金剛淨根本
眾色熾盛光	照貪等自性	正覺跏趺坐
說妙法心義	一切智智藏	正覺蓮華生
眾幻化中主	持明大覺尊	大金剛利劍
斷一切苦惱	最上清淨字	金剛大法器
金剛甚深義	金剛慧所了	具諸波羅蜜
為大地莊嚴	法無我清淨	正智根本心
幻化網大教	一切教中主	最勝金剛生

最勝大智聚	大普賢妙意	地藏世間主
諸佛大法藏	現眾變化輪	諸性勝自性
諸性自性心	無生法眾義	即諸法自性
大慧刹那間	證悟一切法	現諸法三昧
真實大寂默	現證一切佛	正等正覺尊
發大智光明	照無我自性	

佛說最勝妙吉祥根本智最上祕密一切名義三摩地分卷上

佛說最勝妙吉祥根本智最上祕密一切名義三摩地分卷下

宋西天三藏朝奉大夫試鴻臚卿傳法大師施護奉 詔譯

清淨諸惡趣	與一切衆生	爲主爲所依
一切衆生界	普令得度脫	入煩惱戰陣
爲勇猛堅固	諸無智大怨	破滅無有餘
勇猛心無退	威勝大吉祥	現無畏色相
一切皆敬伏	或現威勢身	百臂期剋相
或復作下足	按地現舞相	或現吉祥臂
住空而自在	或一足按地	成大曼拏羅
或舒足一指	出過梵天界	當了諸變化
皆一法無二	諸法中自在	最勝第一義
種種表色等	皆神力所作	一切心識法
從方便出生	過去諸有染	成三有差別

業二

九

彼最上空性	眞實無所動	如秋月初現
雲暗皆清淨	法界曼拏羅	貪等不能染
最上摩尼寶	現帝青大青	爲最勝吉祥
佛化所莊嚴	現神足大步	三界普震動
所有三摩地	正念持自性	彼四念處等
如實而分別	開敷七覺華	香聞於一切
宣說八正道	圓滿諸智果	如來功德海
出生一切法	普令諸有情	成正等覺道
一切衆生類	無著如虛空	衆生意所生
衆生速疾意	衆生根欲性	彼一切差別
了五蘊實義	見五蘊清淨	一切化所作
一切所化事	一切化所說	皆住眞實際
彼十二有支	十二相清淨	四聖諦教相
八智所覺了	十二相實義	十六相眞實
二十正覺相	覺了一切法	此等諸法相

皆佛所化說	出現諸化身	令一切觀察
於一剎那間	現一切三昧	於一剎那間
了一切心法	宣諸乘方便	普利諸世間
雖顯說三乘	住一乘聖果	煩惱界清淨
即諸業界盡	度煩惱海已	住諸法相應
煩惱隨煩惱	斷滅無有餘	起悲智方便
自利利世間	若一切想斷	諸識法即滅
息眾生意境	出過眾生意	眾生意安住
諸心法平等	眾生意喜生	眾生意大樂
成就最勝雲	能離諸雲暗	三世大覺尊
為大功德聚	五蘊三時義	剎那盡觀察
剎那能證悟	一切佛自性	無著最上身
是即身實相	出現諸色像	大摩尼寶幢
諸佛正覺尊	無上大菩提	說三部大呪
離文字分別	諸明呪勝義	無文字等相

五文字大空	百字相亦空	一切相非相
及十六相等	無相無所動	住四禪定心
一切定分通	三摩地所攝	三摩地勝身
一切身自在	化身最上身	諸佛所變化
十方皆自化	如理度世間	所有諸天主
天輔并天眾	及阿摩囉天	乃至阿修羅
如是等諸天	佛神通變化	一一皆調伏
住諸佛三昧	十方世界中	一最勝導師
為大法施主	廣度諸有海	以慈悲二法
為堅固鎧甲	執智慧劍等	破煩惱大敵
所有四種魔	及諸魔眷屬	壞善法難調
正覺悉調伏	天魔歸佛已	悉捨我慢心
作恭敬供養	如來最勝師	佛於三界中
運神足大步	開示三明法	六通六念等
菩薩摩訶薩	過去世威力	究竟波羅蜜

兼三

+

了真實勝慧 一切我自在 勝補特伽羅
喻所不能喻 智所不能知 最上法施主
宣說四印義 為利益世間 出生三乘法
第一義清淨 三世勝妙主 諸所作吉祥
妙德勝根本

業三

十一

歸命金剛大施願 歸命真如實際理
歸命空性勝妙藏 歸命無上佛菩提
歸命佛所愛樂法 頂禮歸命佛智身
歸命諸佛大喜王 頂禮歸命佛大悅
歸命諸佛正念法 頂禮歸命佛大笑
歸命佛所說正語 頂禮歸命佛自性
歸命不從諸有生 歸命正智所出生
歸命虛空自性生 歸命出生一切智
歸命最上幻化網 歸命諸佛大嬉戲
一切有情所稱讚 是故歸命正智聚

復次金剛手菩薩大執金剛者如我所說祕
密名義是即一切如來智頂一切如來智身
妙吉祥根本正智所生諸佛最勝不共功德
清淨圓滿最上稱讚大喜樂法廣大神通威
德勝義身口意業祕密清淨諸波羅蜜諸地
功德清淨圓滿無所減失福智所生彼一切
法圓滿清淨此名最上無比勝義由此法故
未得果者悉皆令得是為一切如來無上法
眼總持勝義如實了知如理宣說金剛手汝
今當知此祕密名義一切諸佛威力所持是
為最上大幻化義諸咒法中大無能勝最上
白法圓滿清淨乃至一切智智身口意祕密
真實能證一切如來正等正覺現前三昧善
入一切如來無上法界一切魔力無能勝者
成就如來十力功德出過菩薩所生十力成

就一切智智出過諸智一切法所歸普集諸
佛教無垢清淨福智所生廣大圓滿諸大菩
薩以為眷屬增長熾盛雖處一切聲聞緣覺
人天剎中隨順彼法而常安住最上大乘出
生菩薩無邊勝行畢廣通達諸聖道法自得
解脫已復能出生變化一切道行不斷佛種
具大智慧住菩薩族攝受一切最勝語業破
壞一切諸外道教作勇健軍降伏四魔得無
能勝又能普攝一切衆生開示聖道出生一
切法常住三摩地行四梵行而於禪那心住
一境成就瑜伽身語意業已得斷盡一切煩
惱及隨煩惱即能離繫一切結縛大智所解
脫寂靜一切心止息一切障斷滅一切見遠
離一切相能閉一切不善趣門於實諦道皆
悉解脫摧生死輪轉大法輪立大法幢安住

如來廣大法教隨順機宜宣說諸法速疾成
就祕密行門觀察一切菩薩自性圓滿智慧
波羅密門覺了一切菩薩空性證悟一切無
二解脫出生一切波羅密法通達一切波羅
密法圓滿清淨一切地位此祕密名義總攝
聲聞四聖諦法及彼四念處乃至八聖道法
如是諸法差別而以一心覺了無二是名圓
滿諸佛功德復次金剛手菩薩大執金剛者
此祕密名義是一切衆生最勝身語意業成
就行門息除衆生一切罪法清淨一切惡趣
斷除一切業障業三不受生八難報處息除八
種大怖畏事破壞一切惡夢不祥不起一切
不善境想破壞一切極惡境界遠離一切魔
業一切非理作意不復暫起斷除一切我執
見等不生一切憂苦煩惱增長一切福智善

根安住一切如來心真實一切菩薩祕密真實一切聲聞緣覺祕密真實一切印相明咒真實隨順一切如理語業正念正知此法又能於現世中增長智慧無諸疾病色力具足富樂自在吉祥清淨增長善法得大名稱歌詠讚歎人所愛樂此祕密法有大利益息除一切疾病大怖一切邪妄使令真實一切不善相皆令善相一切不勝悉使殊勝一切不祥而令吉祥諸無主者為作主宰諸無依者而為依止諸無救者為作救護無歸向者為作所歸處暗暝者為作燈明無所趣者為彼開示真實正道沉沒生死海者為作船筏真實濟渡為大醫王療治眾病以真實慧了性無性世智真實照破一切癡暗盲暝作大如意寶王隨諸眾生有所求願皆得圓滿又此

祕密法是為真實一切智智妙吉祥智身所得圓滿清淨出現智身真實五眼所得六波羅蜜真實圓滿最上法施無虛妄怖得十地法安住真實福智所生三摩地分圓滿具足安住一法離二法相真如實際離諸有色無別法性善住禪那真如實際色相清淨離諸妄相如來自性正智出生諸相大空色性無著於何有見諸相離見即得諸法是即真實祕密名義謂從無二法性出生勝義能持說者皆亦如是復次金剛手菩薩大執金剛者十三此妙吉祥根本智一切如來智身智頂純一無二最上最勝祕密名義三摩地分是大摩尼寶髻莊嚴一切教中無能勝法若有諸修真言行者於此祕密真言行門樂修習者當須選擇吉祥勝地隨力隨時作曼拏羅安布

毗盧遮那如來懺像隨分供養最上一心諦
實觀想所安聖像專注繫念離諸散亂然後
以正語業日日三時受持誦誦記念思惟祕
密明咒當持誦時心語相應文句圓正無令
雜亂起信解心真實作意於此祕密真言行
門如是修習得精熟已即得一切所欲如意
了知諸法最上勝義證無礙慧無二分別信
心具足悉能了知彼三世事復得一切諸佛
菩薩來現其前開示出生一切法門而能照
達我法自性如是瑜伽行人既成就已即能
作諸變化現執金剛大忿怒王能調一切難
調伏者救度世間作大利益現衆色身有大
光明復能成就一切明呪印相三昧曼拏羅
法而作最勝大呪明王所有一切極惡頻那
夜迦乃至魔及魔族於晝夜中而常衛護於

卷三

十五

一切處不現其身而常隨逐不令諸惡伺得
其便復得一切諸佛菩薩加哀建立一切身
語意業常住正法諸佛菩薩共所攝受獲一
切法無畏辯才通達聲聞緣覺所有諸法而
能觀照無我自性所有梵王帝釋嚕捺囉天
那羅延天童子天大自在天迦哩底迦天大
黑天難禰計說囉天火天天風天訶利帝
等乃至十方護世如是等一切天衆於晝夜
中亦常衛護令彼瑜伽行者行住坐卧常得
安隱常住三摩呬多離諸散亂若獨止一處
若入多人衆中乃至或入王城聚落村邑巷
陌空舍山林江河等處若住若起於一切時
一切所作彼諸天等而常密護又復晝夜若
止自舍或居他處復有天龍夜叉軋闍婆阿
修羅迦樓羅緊那羅摩睺羅伽人非人等及

諸宿曜并諸鬼衆所謂聖曜母衆七母衆乃至藥刹尼衆囉刹西衆必舍唧衆如是等衆咸各與諸眷屬常來衛護令其修習瑜伽行者得最勝身色力堅固無諸疾病壽命增長獲大吉祥復次金剛手菩薩大執金剛者若有修習瑜伽行人於此一切祕密名義三摩地分大摩尼寶髻能日三時專注持誦記念勤修而復住心觀想本尊聖像從妙吉祥正智起變化身出現無邊種種色相如是觀已不久即現所觀色相又復即見諸佛菩薩於虛空中出現無數種種色身又復修習瑜伽行者以是最勝法功德故永不復墮一切惡趣於當來世不生卑賤種族不生邊地不處下劣根性不與諸根不完具者同所受生又復不生諸邪見家非佛刹土而不受生佛不

卷二

十六

出世宣說正法亦不受生永不生於長壽天中永不生於五濁惡世不生飢饉刀兵劫中世世生生遠離怨懟怨賊盜等怖凡所生處不受貧苦名譽稱讚所不能動世世所生常生善族人相具足端正圓滿於世間中人所愛敬常受快樂離諸憂惱凡所生處人皆喜見出言誠諦人所信受世世生生得宿命智具大財富有大眷屬增長無盡一切衆生最上功德皆悉具足六波羅蜜自性功德亦復具足修四梵行圓滿具足正念正知方便願力皆得具足通達一切清淨教法語業自在得大無畏凡所對論辭辯無礙復能安慰一切衆生如阿闍黎師長無異昔所未聞一切法分乃至世間一切文典及外論等皆悉通達得大辯才戒足壽命清淨圓滿常樂出

家具諸禁戒於一切智永不忘失大菩提心
 堅固不壞出過聲聞緣覺境界亦不樂於彼
 等法中金剛手諸修瑜伽行者獲如是無量
 功德皆悉具足速疾成就大菩提果此秘密
 名義復有無量無邊大功德分圓滿具足假
 使無量劫中稱揚讚歎不能窮盡復次金剛
 手菩薩大執金剛者諸佛如來以大悲方便
 出現世間於此秘密名義已得圓滿福智所
 生成就阿耨多羅三藐三菩提普集一切佛
 功德寶無有少法而不圓滿廣為一切衆生
 徧十方刹繫大法鼓舞令安住無上正法諸
 佛所說諸法中王所謂如是大明白
 唵引薩哩縛合達哩摩引 娑引縛莎婆引
 縛尾秣提合達哩摩合作芻二阿阿引暗惡
 三

一切法自性清淨不生不滅一切如來智身
 妙吉祥清淨根本所生所謂
 阿引惡
 一切如來根本心所謂
 訶囉訶囉唵引吽引紇哩二合
 一切如來智頂一切如來勝語自在廣大語
 業一切法無垢虛空清淨法界智藏所謂
 阿引
 爾時金剛手菩薩 聞佛說是秘密法
 歡喜合掌從座起 頂禮釋迦牟尼尊
 及彼諸佛賢聖衆 最上金剛秘密主
 一切忿怒大明王 普伸敬已作是言
 最上歡喜自在尊 善哉善哉能善說
 慈悲利我及衆生 成就正等菩提果
 佛為世間大導師 引示咸歸解脫門

宣說最勝清淨道 祕密瑜伽大教主
最上方廣甚深義 普為世間作利益
此即諸佛聖境界 一切如來盡宣說
佛說最勝妙吉祥根本智最上祕密一切名
義三摩地分卷下

音釋

盟 烏沒切 鎚 可亥切 筏 房滑切 療 力弔切
甲也 捋也 治病也

懂 同

業三 十八

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

